



## Հովհաննես Թումանյան

### Երանություն էր խոստացել հույսս ինձ...

Երանություն էր խոստացել հույսս ինձ,  
Բայց ես չըզտա նրան կյանքի մեջ,  
Եվ քաջալերված պատիր խոստմունքից,  
Կյանքի դեմ իգուր վարեցի ես վեճ:

Կարծում էի, թե մարդիկ անհամբեր  
Ուրախությամբ ինձ սպասում էին,  
Եվ ամեն քայլում խղճմտանք ու սեր  
Մարդոց սրտերը միշտ հուզում էին:

Կարճատև՝ ցնորք, որ անցար արագ,

Ինչպես մի քամի, առավել չընչին,  
Եվ ահա ընկած իբրև մի նավակ,  
Որ կամեր լողալ ավազի միջին:

Դուն անցար, այո՛, դարձյալ աշխարհը  
Կառավարվում է յուր օրենքներով,

Եվ դիմակ առած մեծ բարերարը  
Մարդիկ է սպանում գաղտնի զենքերով:

Մահացու ախտով վարակվածն ահա  
Անարատության հագած վերարկու,  
Եվ խավարասեր անբոխը նրա

Չագիր գործերին կանգնած խնկարկու.

Եվ հագարավոր անմեղ հոգիներ  
Հալածված են չար կրքերից անսանձ,  
Եվ, ի նախատինս բանականության,  
Արդար է միայն գորեղը մարդկանց:

Ահա գետնաքարշ և չարախնդում  
Խումբերըն անսիրտ մարդ-հրեշների  
Վխտում են անվախ՝ հրապարակներում,  
Իբրև առաջնորդ մարդոց մտքերի:

Ահա, խնդության ձայներ են թնդում

Իբրև արձագանք շարության խոսքի,  
Ի՞նչ են կամենում, էլ ի՞նչ են խնդրում  
Պատուհասները մարդկային ազգի:

Ի՞նչ եք կամենում դուք, մարդիկ ստոր.  
Մա՞հը, կործանո՞ւմն արժանավորի.

Եվ այդ բոլորը միայն մի կտոր  
Հացի համար, սակայն, ո՞վ գիտի,

Գուցե խավարը ձեզ տվեց պաշտոն  
Բանականության բռնավորների,  
Եվ դուք, անմիտներ, ամբողջ մարդկություն,

Ձեզ հավիտենական կարծում եք գերի:

Խղճե՛ր, նայեցե՛ք, ահա ձեր դիմաց,  
Առանց նայելու ձեր կտոր հացին,  
Բանականության զավակը կանգնած,  
Սպասում է նա մոտ լուսաբացին:

Երանություն էր խոստացել հույսս ինձ,

Սակայն չըգտա նրան կյանքի մեջ.  
Բայց չեմ վիատել. անսպառ մեկ իդձ  
Դեռ ինձ մղում է դեպ հառաջ անվերջ:

Հառա՛ջ, կովելով, և կըգա մի օր,  
Որ կընկնի ներկան վատշվեր, դաժան,

Նրա ավերի վերա փառավոր  
Ապագան լուսո կըկանգնի նշան:

1889

---